

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Alexandri Magni Regis Macedonum vita

Gualterus <de Castellione>

Argentin., 1513

VD16 G 3848

Liber Tertius

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

ARGVMENTVM
TERTII LIBRI



Tertius arma canit; populos in fata
ruentes,

Vincuntur Perse, Darij preciosa su
pellex, (& vxor.

Diripuit, soror & mater capiuntur

Septennisq; puer; capta Sydone Tyroq;
Funditus euerfa, magno discrimine Gaza
Vincitur, & Libies a paucis visitur hamon
Preterea Darius reparato robore: rursus
Maior in arma ruit, fit seditionis origo
In castris Macedum lunę defectus; & ecce
Consulti vates duro de tempore tractant,

¶ Liber Tertius,

TAm fragor armorum iam strages bellica vincit
Clangorem lituum, subtexunt astra sagitte
Missiliumq; frequens obnubilat aera nimbus
Primus in oppositos preterta cuspide Persas
Ocius gmisso tormenti turbine saxo
Torquet equum macedo, qua confertissima regum
Auro scuta micant, vbi plurima gemma superbis
Scintillat galeis, qua formidabile visu
Auriuomis patulas; absorbens faucibus auras
Igniti Dario prefertur forma drachonis
Querentiq; ducem quem primum vulnere dignum
Obruat obijcitur Syrię prefectus Arethas
Cuius ab aurata, volitans ac pendulus hasta

ALEXANDREIDOS:

Vendicat astra leo. galeam carbunculus vrit
 Primus alexandri tremebundo traicit ictu
 Caldeus clypeum. sed fraxinus asseris arcum
 Formidans aditum fracto crepat arida ligno
 Fortiter occurrens ferro pellex arethe
 Dissipat umbonem. qua barbara bulla dicescit.
 Principis in clypeo; nec eo contenta tralicis.
 Lorice dissarcit opus. cordisq; vagatur
 Per latebras animamq; bibit letalis harundo
 Occidit occisus; largosq; foramine manans
 Purpurat arua cruor; regem clamore fatentur
 Altisono vicisse suum; primumq; tulisse
 Primitias belli; faustum sibi predicat omen
 Græca phalanx: letosq; ferunt ad sydera plausu
 Denfantur cunei. Clytus & Ptholomeus in armis
 Conspicui. tanta leuitate feruntur in hostes
 In tauros quanta geminos rapit ira leones
 Quos stimulat ieiuna fames. causamq; furoris
 Adiuuat excusse grauis obligatio caudæ
 Hic Tholomeus equo parthum Dodunta supinat
 Tempora transfixum. cerebroq; fluente gementem
 At conto Clytus Arctophylon euertere tentat
 Inq; vicem ferunt sese. clypeisq; recusa
 Vtraq; dissiluit obtuso lancea ferro
 Quadrupedi quadrupes; armosq; opponitur armus
 Pectora pectoribus; orbisq; retunditur orbe
 Torax torace; gemit obruta casside cassis

LIBER TERTIVS

Nec mora. poplitibus ambo cecidere remissis
 Vectores; vectiq; simul; simileq; peremptis
 Exanimis iacuere diu, sed corpora postq;
 Conualuere, prior reparato robore rectus
 Iamq; pedes recipit sese Clytus; Arctophilosq;
 Surgere conanti solo furialiter ictu
 Demetit ense caput; & terrę mandat humandum
 Pręditus eloquio; bello specieq; sinistro
 Fuderat in cornu gręcum Mazeus Hyollam
 Vltor adest agilis stricte mucrone Philotas
 Et quia Mazeum sonipes summouerat, Othym
 Cominus aggreditur, cuius latus ense bipartit,
 Interea multa sudantem cede Phylotam
 Hyrcani cingunt equites, quorum agmina rumpunt
 Impiger Antigonus; Cenos cratherus & ipse
 Parmenio, sine quo nihil vsquam carmine dignum
 Gessit Alexander, sed que prouenerat illi
 Talio pro meritis, magis arbitror esse silendum
 Antigoni facit ense Philax; Myda cuspide Ceni
 Amphilogum Cratherus adit; quam casside rupta
 Abstrahit exanimem curru, iungitq; ruenti
 Anthomeduntha suum, iam viscera rupta trahentem
 More suo ruit in Persas; damnatus iniquo
 Sydere Parmenio; cui regibus ortus Hyfannes
 Et diuis incutiunt hastas lateri; manet ille
 Immotus; stabilitq; fugam pauitantis Horestis
 Qui pedes exese tendebat in ardua rupis

ALEXANDREIDOS

Hunc simul intuitus, nactum diuortia curfus
 Dedecoris, volucri perfossum pectus Hyfannem
 Sternit equo, profugumq; equitem restaurat in arma
 Instantemq; Dinum raptο mucrone lacerto
 Cornipedis planta terit, inualidumq; relinquit
 His agilon; his addit helan: arabemq; cepippum
 Parte alia furit eumenidus: perfasq; laceffit
 Nunc gladio; nunc missilibus, mucrone dyaspem
 Deiecit, Endochij telum in pulmone cruentat
 Dissicit ossa virum, procerum conculcat aceruos
 Nec minus in dextro dum pugnat Marte Nichanor
 Sanguine spargit agros, humectat cedibus equor
 Cui iuuenis facie diues sed ditior ortu
 Quippe genus claro referens a sanguine Cyri
 Obuiat Echinus; clypeumq; Nichanoris ictu
 Prouocat, vt laterem tecti vada veris in ortu
 Grando ferire solet, sed respuit aeris iram
 Tuta domus, verum durato corde Nichanor
 Irruit in facinus miserande cedis, eumq;
 Qua candens oculis aperit lorica fenestras
 Cuspide percellit, & lumine priuat utroq;
 Dumq; per vnus aditum scelus ausa recurrit
 Fraxinus, alterius extinxit luminis vsum
 Stabat in aduerso discriminis agmine duri
 Clara propago Nini princeps niniuita negusar
 Doctus in obiectos dubia sequire securi
 Doctus & a tergo iaculis incessere fata

LIBER TERTIVS.

Nunciaulo nunc ense furit, nunc vero bipenni
 Excutiens cerebrum iaculo perfoderat Helum:
 Arctoridem gladio Dorilon viduauerat armo
 Fuderat Hermogenem fusa ceruice securi
 Hunc vbi multum oda vastantem caede pelasgos
 Intuitus stricto celer aduolat ense Philotas
 Quaq; super tonum lucem vomit igne Pyropus
 Pertundit galeam. sed lubrica discutit ictum
 Non impune tamen descendit mucro sinistram
 Quam sibi forte manum: frontem pretenderat ante
 Amputat, ecce parat vlcisci dextra sororem
 Cedibus exposita, & cedis secura securim
 Librat, & astanti casum casura minatur
 Ereptamq; sibi gerneret fortasse Philotas
 Ante dies animam, sed equo prelatus amintas
 Opposuit clypeum, quem miro transfidit ictu
 Machina terribilis, medioq; vmbone recepta
 Retrahere ardenti qua iungitur vlna lacerto
 Ense viri instantis a pectore cesa recessit
 Excitat interdum vires dolor: ille recisis
 In bello manibus se corpus inutile cernens
 Quod potuit fecit, & equo se obiecit hyolle
 Tresq; ruere simul: perijt perfossus hyollas
 Et sonipes iaculis, sed nec tibi dure negusar
 Missilium grando, nec tanta ruina pepercit
 Iam latet herba madens terramq; cadauera celant
 Arma natant sanie, replentur sanguine valles.

ALEXANDREIDOS

Largus vtrimq; cruor: sed maior inebriat agros
 Perfarum strages. rarefcit barbarus hostis
 Tabefcitq; animo licet infinitus: eumq;
 Pauca manus Macedum non cefat cedere: quorum
 Defectum numeri feruens audacia fupplet
 His igitur iam terga fuge fpondentibus inftat
 Fulmineus Macedo. perq; inuia tela: perq; hoftes
 Perq; globos equitum. peditum ftipante corona
 Ad Darium molitur iter. fed contrahit agmen
 Oxatreus. Dario quo nemo propinquior ortu.
 Hic dolor: hic gemitus: perit acris vtrimq; iuuentus
 Inuoluitq; ducum mors vno turbine turbam
 Seminat in Perfis leti genus omne cruentas
 Excutiens bellona faces. gemit ille recluso
 Gutturē. traiecto iacet ille per ilia ferro
 Hunc fudis excerebrat. hunc fundit funda vel arcus
 Ille vomit fanem fractis ceruicibus illi
 Inteftina cadunt. alium fibi vendicat enfis
 Hic obit. ille obijt: hic palpitat: ille quiefcit
 Stabat ab oppofito niueis preciofus in armis
 Menphites zoroas. quo nemo peritior aſtris
 Mundanas prenofce vices. quo fydere frugis
 Defectum patiatur ager. quis frugifer annus
 Vndeniuēs producat hyemps. que veris in ortu
 Temperies impingat humum: cur ardeat eſtas
 Quis dedit autumnno calcandis cingier vuis
 Circulus an poſſit quadrari: an muſica formet

LIBER TERTIVS

Caelestes modulos, vel quanta proportio rerum
 Quatuor inter se; nouit quis sydera septem
 Impetus obliquo, rapiat contraria mundo
 Quos distant a se gradibus, quae stella nocuum
 Impediat sequere senem, quo sydere fiat
 Obijce propitius, martem quis temperat ignis
 Quae sibi quisque domum querat, quo sydus in isto
 Regnet hemispherio; motus rimatur: & horas
 Colligit, euentus hominum perpendit in astris
 Parua loquor, totum claudit sub pectore caelum
 Hic ergo in stellis mortem sibi fata minari
 Contemplatus erat, sed enim quia vertere fati
 Non poterat seriem, penetrare audebat ad ipsum
 Rectorem Macedum, toto conamine poscens
 A tanto cecidisse viro, vitamque perosus
 Mortem parturiens, in prima fronte furoris
 Occurrebat ei, curruque premebat ab alto
 Grandine Missilium: pertusum principis orbem
 Nec solum iaculis, Sed voce probrisque lacessit
 Atque ita Neptanabi non inficianda propago
 Dedecus eternum matris, cur vulnera perdis
 Ignauos agitans, in me conuerte furorem
 Si quid adhuc virtutis habes, me contere: cuius
 Militiam claudit septemplex archa Sophiae
 Et caput astriferum; sibi vendicat utraque laurus
 Motus Alexander miseretur obire volentis
 Ac placide subiicit: pro monstrum; quisquis es inquit
 e iij

ALEXANDREIDOS

Viue præcor moriensq; suum ne destrue tantis
 Artibus hospiciũ. nunquam mea dextera fudet
 Vel rubeat gladius cerebro tam multa scienti
 Vtilis est mundo. quis te impulit error: ad amnes
 Tendere velle stigos, vbi nulla scientia floret
 Dixit. at ille pedes terre se mandat: eiq;
 Qua se diffocians ocream lorica relinquit
 Sauciat ense femur. & dedicat arua cruore
 Infremuit Macedo Zoroecq; vt parcere possit
 Admissum procul egit equum. sic ergo remotus
 Continuit bilem. verum Meleager in illum
 Irruit. & Zoroee qua cruri tybia nubis
 Cedit vtrumq; genu: tunc cetera turba iacentem
 Comminuunt in frustra virum. stellisq; reponunt
 Tunc vero in Darium pondus discriminis omne
 Conuersum est. quid agat. videt arua cruore suorum
 Pinguia. se circa videt exanimata iacere
 Corpora tot procerum. fugiuntq; quibus super ante
 Fidebat potius. quando viscera rupta trahentes
 Inter equos auriga iacet. ceruice recisa
 Dum dubitat fugiat ne pedes. sese ne labore
 Perdere. Perdicas iaculum iaculatur. at illud
 Se capiti affigit. cerebrum tamen ossa tuentur
 Excutitur curru Darius. nec sustinet vltra
 Ferre aciem. turbamq; pedes declinat. & inter
 Degeneres profugosq; legit compendia saltus
 Donec ei sonipes ablatus ab aufone. Magnum

LIBER TERTIVS

Transtulit Eufratem, ac se Babylone recepit
 Hunc vbi furtiua belli mortisq; ruinam
 Euasisse fuga sensit Mazeus, & illi
 Quorum victoris animi excellentia non dum
 Euelli campo martisq; furore sinebat
 Extemplo turbata malis audacia tantos
 Destituens motus didicit seruire timori
 Inq; metum conuersa fides, fugit agmine facto
 Turba ducum partesq; labant vbi summa mouentur
 Cumq; caput nutat turbari membra necesse est
 Ceditur a tergo populus, furit altera caedes
 Pro domino patriaq; mori, dum posset honeste
 Dedecoris mortisq; luem fugiendo meretur
 Iam satur ad loculum redit ensis, & ipse Pelasgos
 Victores victor a caede recedere cogens
 Ad gazas properare iubet, rapiendaq; prede
 Munera, que saltus iacet interclusa latebris
 It celer, & partas partitur ciuibus eque
 Victor opes, onerantur equi, gemit axis auarus,
 Iam satur est aurumq; vomit summotenus ore
 Sacculus, & nexus refugit, spernitq; ligari
 Fessa legendo manus; non est fatiata legendo
 Quin calige: patulicq; sinus turgere docentur
 Itur in imbelles agmen muliebre cateruas
 Quarum vbi marmoreo rapuere monilia collo
 Extorti torques & in auras perdidit auris
 Itur in amplexus nuptarum, virginitasq;

ALEXANDREIDOS

Vim patitur. coit in patulo: tractatq; pudenda
 Sanguinolenta manus. coitus pars altera labem
 Contrahit incestus. verum pars altera luget
 Et venit ad veniam. patientis namq; reatum
 Vis illata leuat. minuitq; coactio culpam
 Maestate tamen salua; saluoq; pudore
 Tota domus Darij. genitrix & regia coniunx
 Et soror & natus: tanta est clementia regis
 Curribus auratis; in Dorica castra vehuntur
 In matrem sibi se sic temperat: vt sibi matrem
 Eligat. vxori det nomen habere fororis
 Septennem puerum in natum sibi mitis adoptet
 Tanta enim virtutis amor tunc temporis illi
 Pectore regnabat. si perdurasset in illo
 Ille nitor. non est quo denigrare valeret
 Crimine; candentem titulis infamia famam
 Verum vbi regales: persarum rebus adeptis
 Delicę posuere modum. suastq; licere
 Illicitum: & licitum genitrix opulencia luxus
 Corripuit fortuna phisim: cursuq; retorto
 Substitit vnda prior: viciorum cautibus hrens
 Qui pius ergo prius erat hostibus; hostis amicis
 Impius. in cedes & bella domestica deinde est
 Conuersus: ratus illicitum nihil esse tyranno
 Preterea quis pretereat: summum sibi patrem
 Vsurpasse iouem. nam se genitum Ioue credit
 Imperat. & credit hominem transgressa potestas

LIBER TERTIVS

Seq; hominem fastidit homo; minimumq; videtur
Esse sibi. cum sit inter mortalia summus

Mittitur interea; cum Parmenione Damascum

Miles. vt a victis extorqueat vrbe repostas

Reliquias Gaze; sed iam censebat habendas

Victori prefectus opes; dominoq; priori

Proditor insidijs caute quos traderet hosti

Traxerat vrbe suos. fortunę namq; meatum

Mutato mutatus erat; sic vnus vno

Crimine Persarum cęsis tot milibus; ipse

Cum reliquis cecidit. Dario solamen id vnum

Damnorum lucisq; fuit; cum nuncius ipsum

Artificem sceleris afferret in agmine primo

Arce perisse sua. nec vnquam sustinet vltra

Dicere fortunam. quę iusta lance rependit

Sontibus interdum. prout fraus ignaua meretur

Hęc Dario medicina mali; sic pene malorum

Omnia cum quodam veniunt incommoda fructu

Septimus accenso Phœbea lampade mundo

Prefferat astra dies; cum rex ex more peracto

Funis obsequio tendit Sydona vetustam

Phenicum gentem. quibus in sua iura redactis

Ad Tyrios conuertit iter. quos omne paratos

Martis ad examen; muricq; abrupta tuentes

Gaudet Alexander suspecta cominus vrbe

Inuenisse viros. tot propugnacula muris

Edita. dispositę longe stant ordine tures

R

ALEXANDREIDOS

Quę lapidum valeant refugos eludere iactus
 At quacunq; aditum molitur saxea moles
 Assunt obtenta clypeorum crate clyentes
 Plurimus hic fundit fundam iaculator & arcum
 Plurima suppositis mortem balista minatur
 Verum veri longa dies; afflictis ciuibus urbem
 Nauali modo congressu; modo Marte pedestri
 Fregit. & appositis vtrinq; ad mœnia graium
 Nauibus, hostiles impedit machina muros
 Absq; aliquo perijt discrimine sexus; & ætas
 Omnis; & a nullo scelus equo iudice pensans
 Abstiniuit gladius; etenim cum mœnia nondum
 Cingeret obsidio missos a rege quirites
 Paci vt consulerent angusto in tempore ciues
 Et pace & medij violato scedere iuris
 Implicuere neci legatos, vnde tyranno
 Offensi, nec enim veniam meruere mereri
 In quibus & venie & pacis legatio nullam
 Inuenit veniam, Macedo iubet ocuis omnes
 Cladibus inuolui, preter quos templa tuentur
 Fit fragor & planctus; crebrescit flebile murmur
 Aurea femineus perstringit sydera clamor
 Dumq; in precipiti rerum discrimine micant
 Quę magis incumbit ventorum spiritus vrbis
 Succendunt urbem, volat ad fastigia flamme
 Inflammata fames; & eq magis esurit ignis
 Quo plures tabulata cibos; alimentaq; prebent

LIBER TERTIVS

Mixta plebe patres pereunt: genus omnibus vnum
 Mortis, sed species moriendí non fuit vna
 Ille pyram reuerens gladios incurrit, at ille
 Vt gladios fugiat medios se mittit in ignes
 Nonnullos alia mortem dum morte cauerent
 Urbis semirute lapsos de moenibus vltro
 Equorei vehemens absorbuít amnis hiatus
 Occultas alij latebras vacuosq; penates
 Querentes iugulis laqueos aptare parabant
 Et mortem fecere sibi: ne morte perirent
 Illata a grais: alios diuortia martis
 Querere dum puduit pro iure & legibus urbis
 In faciem patrię libertatemq; tuendo
 Elegere mori: mortis genus illud honestum
 Et labi sine labe fuit: non cedere cedi
 Cedere & cedi: dum non cedantur inulti
 Concurrunt: & materiam ferientibus offert
 Gens deuota neci: feriunt feriuntur & ipsi
 Dumq; necem patiuntur agunt: ad vtrumq; parati
 Non minus excidium coniunx cythereius infert
 Soluitur in cineres ab agenore condita primo
 Nobilis illa Cyrus, quę si preclara merentur
 Vatum dicta fidem fame si credere dignum est
 Vocum sola notas, & rerum sola figuras
 Aut didicit prior aut docuit, sic ergo tot annis
 Indomitam indomitus domuit Macedum furor urbē
 Verum vera fides: & pax diuina sub ipso

ALEXANDREIDOS

Christorum christo reparatis mœnibus urbem
 Restituere, vbi nunc plebs orthodoxa flagransq;
 Turibulo mentis crucifixi nomen adorant
 Cuius sunt alię septeni climatis vrbes
 Quas patria ditione tenet longumq; tenebit
 Premonuisse potest alias Tyrus obruta gentes
 Ne qua sub archoo regio resumeret axe
 Pellei vires, Macędumq; lassere nomen
 Gaza tamen Darium causamq; sequuta priorem
 Aufa patrem superum muris excludere tentat
 Fortunam si forte fides euertere possit
 Dumq; suum mars explet opus; dū cęde cruenta
 Et damno parcis vtriusq; proteruit vtrinq;
 Barbarus ad regem veniens vt transfuga, ferrum
 Occultans clypeo Magni caput appetit ense
 Sed quia fatorum stat ineuitabilis ordo
 Euentusq; hominum series immobilis arctat
 Errauit tremulenta manus, ferroq; potiri
 Non patitur lachesis cui tam fatale venenum
 Conuectumq; diu lethea sece vitrina
 Pixide condierat mediante fauore suorum
 Porrectura duci dea post duo lustra bibendum
 Hic arabis dextram, quia sic errauit eodem
 Quam male vibrarat rex imperat ense rescidi
 Quiq; prius sopitus erat, iam fraude recenti
 Martius euigilat furor, & sub corde calenti
 Ira recrudescit, dumq; instat turbidus hosti

LIBER TERTIVS

Aufa nephas: leuū perfringit fraxinus armum
 Et medium cruris elisit faxea moles
 Sed licet accepto bis vulnere; non tamen acri
 Destitit incepto macedo, sed prodigus aure
 Vitalis scindit cuneos; ipsumq; tyrannum
 Obterit, & victis urbem tradentibus intrat
 Hinc vbi disposuit procerum discretio regno
 Tendit in egyptum: qua sub ditione redacta
 Ardet rex libici sedes hamonis adire
 Difficiles aditus; iter intolerabile; quamuis
 Fortibus et paucis: rorem sitit arida tellus
 Et celum mendicat aquas, estuq; perhenni
 Marcessit regio; & steriles moriuntur hareng
 Cuncq; tenax fabulum solem concepit & auram
 Impulsuq; pedum concreuit turbo: procellas
 Hic Syrtes habuere suas; hic altera sicco
 Scylla mari latrat, hic puluerulenta caribdis
 Puluereos vomit ille globos, iacet ille sepultus
 In fabulo, fortassis eos leuiore flagello
 Punisset mare neptuni, q; pulueris equor
 Nusquam culta virent, hominis vestigia nusq;
 Nusquam terra oculis, nusq; sese obijcit arbor
 Iam quater irriguos librauerat aere currus
 Mennonis impendens lacrimas aurora sepulcro
 Cum macedum rector & cetera turba superstes
 Hamonis subiere nemus; fontemq; biberunt
 Quem satis indignum est inter memoranda simile

ALEXANDREIDOS

Cum sol frenat equos tepidos habet vnda meatus
 Frigidior glacie est quando feruentior arua
 Exurit tytan medię feruore diei
 Axe sub hesperio cum iam præsepia mundans
 Solis equos stabulare mari parat hospita thetis
 Ambrosiamq; locat & liberat ora lupacis
 Frigoris excluso paulum torpore tepescit
 Fons iouis, ac phœbo torrentior estuat idem
 Cum mundum madidis medijs sopor irrigat alis
 Quoq; magis phœbus solitum festinat ad ortum
 Tanto plus soliti reminiscitur vnda teporis
 Et nocturnus eam cogit decrefcere feruor
 Donec phœbeo rursus languescit in ortu
 Rex vbi consulto letus Ioue: munera soluit
 Aggraditur menphim: licet affectaret adustas
 Ethiopum gentes: & in hospita Mennonis arua
 Aurore sedes: atq; inuia solis adire
 Sed durum martis, & ineuitabile tempus
 Et prefixa dies: mundi visura tumultus
 Et strages pugne quam maturauerat hostis
 Vicina instabat, positamq; regentis in arcto
 Arctabant rigidam maiora negotia mentem
 Interea Darij reparato robore: totus
 Coniuratus adest in prelia mundus: eumq;
 Preteriti pudor, & spes incentiua futuri
 Rursus in arma vocant: coeunt in castra quirites
 Permixon agricolis: queritur cessare ligones

LIBER TERTIVS

Radicosus ager: & sentibus obsita tellus
 Suspirant ad plaustra boues: dorsumq; cameli
 Barbaries gentis: elephantes bellica pressit
 Machina territo gradientes agmine: nec se
 Bubalus absentat, nunquam tot milibus argos
 Aggrediens hominum: siccauit lumina Xerxes
 Sed neq; tam multas collegit in aulide gentes
 Vltor adulteriij: cum classi defuit equor
 Virgineusq; cruor: monitu calcantis iniqui
 Deterfit facinus, & ventos sanguine soluit
 Miratur Macedo: tot milibus ante redactis
 In nihilum, plures rediuiua morte renasci
 Ad martem populos: rursusq; ad bella vocari
 Non secus antheum libicis loue natus harenis
 Post lapsum stupuit: maiorem surgere donec
 Sublatum rapiens: vana spe duceris: inquit
 Huc Antheg cades, vel cum tot cede suorum
 Fecundam capitum domuit tyrincius ydram
 Iamq; per Eufraten: discriminis immemor omnis
 Contemptor numeri: rapidum transegerat agmen
 Terrarum domitor: consumptaq; ignibus vrbes
 Quas aditurus erat: fumantescq; inuenit agros
 Quos duce Mazeo: Darius preceperat vri
 Vt tali articulo: fortunę flectere cursum
 Posset, & afflictos fame: defectuq; ciborum
 Cogeret audaci graios desistere cepto
 Desperare aditum, per saxa rigentia flammis

f iij

ALEXANDREIDOS

Moliriq; fugam; dum cuncta exusta viderent
 Et loca feta igni; & viduatos gramine campos
 Ocia confulti gemerent. victumq; negaret
 In cinerem resoluta ceres, sed forte secunda
 Vfus Alexander; ad summi semper honoris
 Aspirans apicem; tygri velocior ipso
 Tygri, qui celeri fortitur ab impete nomen
 Tygris aquas superat; qui gurgite saxa volutans
 Grandia marmoreas exit truculentus in vndas
 Nec mora; ne Dario regni penetrare liceret
 Interiora sui; canis vt venaticus altis
 Occultum siluis acteona nare sagaci
 Vestigat, vel qui venator gallicus aprum
 Irato sequitur; stringens venabula ferro
 Haud aliter Darium venatur, & albela preter
 Castra locat; quem cede sua; q; fraude suorum
 Infamem facturus erat, periturus eodem
 Fixerat infausto iam tunc tentoria vico.

Tempus erat dubium cogens pallefcere lucem
 Cui neq; lux neq; nox imponit nomen: vtrimq;
 Et neutrum tenui discrimine. verius ergo
 Ambiguum cum sit: dixere crepuscula greci
 Hesperus irriguum iam maturauerat ortum
 Iamq; minante oculis caligine; sidera solis
 Supplere officium; luna mediante parabant
 Cum phoebe terris; fratris manifesta recessu
 Exhilarans hominum nascenti climata gyro

LIBER TERTIVS

Palluit, & primo defectum passa nitoris
 Demum sanguineo penitus suffusa rubore
 Fedauit lumen, Macedumq; exterruit ipsos
 Cum vulgo proceres, contra cum frenderit hostis
 Cunq; instaret eis; inuito numine; belli
 Prefinita dies, parti feralis vtriq;
 Celosq; aspicerent; minitantia sydera; tantum
 Exhorrere nephas; atq; id portendere signum
 Nec mirum; mutare animos; armisq; paratas
 Dormitare manus, trepidant confusa retenti
 Corda metu, & rauco crudescunt murmure castra
 In causa Macedo est, causamq; refundit in ipsum
 Sediciofa cohors, iam cędet in vltima mundi
 Inuitos a rege trahi, montana queruntur
 Inuia, desertas vulcano vindice terras!
 Vrbesq; & fluuios; admittere nolle nocentes
 Velle hominum dominos; dijs indignantibus; esse
 Astra infensa sibi, solitumq; negantia lumen
 Inscriptos homini; regem transcendere fines
 Affectare polum, patrię contemnere sedem
 Vnius ad laudem tot inire pericula; tantas
 Fortunę variare vices, iam vulgus in istos
 Exierat planctus, iam seditione moueri
 Cęperat, euentu tum rex interritus omni
 Consilium vocat, & vates; quibus arte magistra
 Astrorum dederat diuina pericia nomen
 Consulit, & lunę quę causa infecerit orbem

ALEXANDREIDOS

Quid superi super hoc caueant: quid enigmata fati
 Significare velint: iubet in commune referri
 Inter sortilegos vatū. stellasq; sequentes
 Stabat arifandus. sterili iam marcidus quo
 Parcite ait: vanis incessere fata querelis
 Fata regunt stellas: & quos ab origine cursus
 Quę loca: quos motus. & quod portendere magnus
 Ille fator rerum dedit. hos certo ordine seruant
 Nec quicq; mutare queunt: de mente profunda
 Quicquid ab æterno prouiderit illa futurum
 Seu terrę incumbens extendens littora thetis
 Gurgitis augmento. seu tellus subruat vrbes
 Concussu laterum. seu morbidus influat aer
 Seu tenebris fuscare diem: seu cornua lunę
 Caligare velit: seu tardius ire galerum
 Omnia descendunt a summo culmine rerum
 Quo nisi consulto: nihil est quod sydera possint
 Inde est. quod lunę pallefcit luridus orbis
 Cum terram subitura suos abscondere uultus
 Fertur. & humano parat euanescere visu
 Vel cum fraterno premitur splendore Dyana
 Qualiter accensę iubar igniculumq; lucernę
 Inuida maioris. obscurat flamma camini
 Dogmatum veterum non vile. patrumq; sequutus
 Memphyos. haud dubitem. gręcorum dicere solem
 Perfarum lunam tum deficit ille: ruınam
 Graium. Perfarum cum deficit illa minatur

LIBER QVARTVS

Dixit, & exemplis veterum pro teste resoluit
 Perfidis acta ducum, quibus incumbente flagello
 Fortunę, obscuro lugubris cinthia cornu
 Palluerat, stetit ergo ratum; quod cana senectus
 Arguerat, meruitq; fidem sententia vatis
 Editaq; in medium; flexit pauitancia vulgi
 Corda superstitio, qua nil astrictius ad se
 Inclinat turbam, regit ora; manusq; refręnat
 Quę cum seua potens; mutabilis estuat estu
 Multiuagę mentis; vana si forte mouetur
 Religione ducum, spreto moderamine, vatum
 Imperium subit, & regum contemnit habenas
 Ergo vbi torpentes, spes & fiducia fati
 Erexit mentes, armis dum corda calerent
 Utendum ratus est macedo, ne frigeat ardens
 Impetus, extemplo velli tentoria; circa
 Noctis iter medium iubet, ac p̄cedit ouantes
 In primis; raro contentus in milite turmas.

Argumentum Quarti Libri.



Darius ad vxoris Darij: lacrimabile
 funus

Conuertit magnum, Darium lamen-
 ta fatigant.

Falsaq; suspicio, legati certa reportāt

Ad Darium responsa, astant hinc inde parati

Ad bellum cunei, terretur imagine belli

Consiliumq; vocat Macedo, responsa suorum,